2016 九龍東立法會選舉





從素人到候選人

2014年7月2號,我參加咗第一次嘅社運,喺遮打道預演佔中俾人拉咗。之 後寫咗篇叫《511分之1》嘅文,佔唔到原來四干幾字嘅長文都有人睇,好多 嘅留言令我明白到,香港人唔係港豬,只要你真心為香港付出,香港人係睇 得見噪。

其實呢兩年喺社運界,最感慨嘅,未必係政府嘅無賴,反而係非建制陣營內 嘅爭執。我相信原本只係路線之爭,但你鬧吓我,我鬧吓你,鬧到最後根本 晤再係講道理,連少少討論嘅空間都無埋。

我今日企出黎,係因為相信好多香港人晤希望再停留喺呢啲争拗,大家只係 想自救。與其再停留喺網上嘅争吵,不如落手落腳去做。

我同東九龍社區關注組呢兩年做過嘅嘢,一直貫 徹緊呢個宗旨。我她的社區留低嘅每條腳毛,都 係為咗打倒保皇黨為咗香港人嘅幸福而做,唔係 得個噏字。今日我參選,就係想同大家一齊贏返 個未來返嚟。






東九龍 是什麼組織?

東力龍社區闊注組

雨傘革命之後,我哋一班高登仔成立咗『東九龍社區關注組』,走入社區嘗 試自己出一分力去改變香港。其中搞得最成功嘅就係反對觀塘海濱音樂噴泉 行動。我哋希望社區資源可以用返去改善醫療、交通等等九龍東比較嚴重嘅 問題,而唔係浪費去起大白象工程,所以我哋日以繼夜擺街站收集居民簽名, 最後足足收集咗10,000個實體簽名,一年來先後約見過各立法會議員進行游 說,而音樂噴泉最後亦都喺泛民議員協助拉布下,暫時喺立法會財委會被拉 倒咗。

抗争晤應該只係喺民間,所以上年我哋參選區議會選舉,成功喺樂華北贏得 一席觀塘區議會議席。噯緊嘅立法會選舉我哋希望再接再厲,打入議會,令 議會更加多在地市民嘅聲音,令議會抗爭更加多元化。

希望大家相信我哋呢班年輕人。



反對觀塘海濱音樂噴泉簽名行動



於曉光閣曉明閣停電期間,阿滔借充電池街站



反對觀塘海濱音樂噴泉簽名行動



黃子健向區議會提交觀塘區 巴士路線計劃報告

政治光譜

獨立自決



1997年香港被回歸以嚟,各種我地引以為傲嘅,包括法治制度、語言文化、 言論自由及民主精神等急轉直下,一國兩制根本係一場騙局。嚟到呢個階段,我 她需要思考香港嘅出路應該如何取捨。我她支持香港獨立,但我她更希望同香 港人一齊討論『獨立』或者其他可能性,為自決公投創造民意基礎,為香港搵 一個更好嘅未來。

香港未來出路

或 制

何既英 必然美要自無 业要依留 ▼ 位置 ▼ 無責 任 港 苴 照 顧

大家唔會想香港大陸化 自 他 香 救 港 兩制

被中共 破壞

獨 $\overrightarrow{\nabla}$

由唯 港人話事工員正

我哋要開始思考、討論, 香港嘅未來 香港嘅未來應該由香港人自決

綱領

政治綱領

社區起義 港人話事!



地區工作, 唔可以只係蛇齋餅糭, 更要比服務街坊做得更多。我哋期望嘅地區工作, 係將政治生動化、趣味化, 將民主嘅觀念帶入社區, 用容易入口嘅方法去令大家關心政治。

今時今日仲有人會問「民主是否靈丹妙藥?」呢個問題其實正正反映咗香港人從來無感受到民主嘅好處。政治本來就係生活之事,與其故作高深,要市民依賴議員,不如著重社區參與,令居民明白民主嘅重要性。咁先可以真真正正做大個餅!

上年我哋曾經做過一個狗公園嘅諮詢。 我哋做咗一個公園嘅模型,居民可以 自由設計公園嘅草地面積,設施擺位等 等。一齊思考,一齊參與,亦都可以 了解其他人嘅諗法。







制作狗公園模型向居民諮詢意見



政制

- · 就爭議性議案進行公投(參考底頁:代議士角色-議題公投)
- · 立法會、行政長官全面直選
- · 捍衛「高度自治」、自由、公義、廉潔、法治的社會
- · 捍衛新聞自由、言論自由、示威集會自由
- · 反對就基本法第23條立法



□公共運輸及地區發展■

· 重新審視起動九龍東計劃

九龍東工廠大廈一直係創業同文藝團體追逐夢想嘅基地,但政府推出「起動 九龍東」計劃盲目將工業區變成商業區,令租金上升,變相逼遷。政府亦無仔 細考慮交通配套,本身已經不堪負荷嘅九龍東交通必會百上加斤,令人擔憂。

- · 反對興建高鐵、三跑等大白象工程
- ・興建東九龍沿海單車徑(油塘 觀塘海濱 郵輪碼頭 黃埔)



- · 重整巴士路線,減少九龍東路面交通壓力
- 繁忙時間重開汽車渡輪
- · 修訂港鐵可加可減機制
- 回購西隧



勞工

• 落實標準工時

你上一次同人講夢想係幾時?喺香港要追夢晤易,所以我哋好少問自己真正要啲咩。小朋友1個月上足7個興趣班,大朋友1日返足13個鐘頭,每個人嘅價值就只係一堆數字。你唔係無理想,你只係連誌自己個理想嘅時間都無。我哋提倡落實標準工時,家庭可以有更多時間相聚,打工仔可以發揮一直被壓逼嘅創造力,同時推動消閒產業,令香港人可以有更多時間享受生活。



- ・毎年調整最低工資
- · 增加勞工假期,與公衆假期看齊
- ・推行7天男士有薪侍產假
- · 恢復僱員集體談判權
- · 取消強積金與長期服務金對沖,規限管理費





醫療

· 改善醫療配套及關注長遠規劃

觀塘區人口老化嚴重,但九龍東只得一間急症醫院同幾間公營門診,無政府營運牙科專科,老人院舍、老人外展服務亦晤足夠。急症求醫輪候時間可以長達八個鐘;專科門診排期經常無限延長,新症至少要等一年。更大問題係無急性心臟外科、腦外科等等大型創傷醫療專科配套,如出現緊急情況,都只可以轉送去其他醫院。我哋要求政府喺政策層面去改善各種漏洞。

· 增加本地醫生學位及公營醫護人員數目

九龍東現時專科門診 穩定新症輪候時間

| 耳鼻喉科 | 眼科 | 婦科 | 内科 | 骨科 | 兒科 | 精神科 | 外科 |
|------|-------|-------|-------|-------|------|------|------|
| 88星期 | 112星期 | 108星期 | 103星期 | 133星期 | 24星期 | 98星期 | 89星期 |

- · 反對公營醫療私營化,要求增加醫療撥款
- · 增加非本地居民醫療收費
- · 改善急症室等候時間資訊發放
- · 成立獨立醫務投訴委員會,縮短投訴處理時間







科技

· 版權條例修訂

政府曾於今年年初將版權條例修訂案(「網絡 23 條」)交到立法會闖關,我 她雖然認同版權條例有更新必要,但前題係必須符合下面三大原則:

- 1) 方案内嘅豁免條款必須使用更為開放嘅 「用戶衍生 UGC」或「公平使用Fair Use」
- 2) 民事豁免必須加上「豁免凌駕合約條款」(Contract override) 嘅條文
- 3) 必須清楚列明「不誠實使用電腦罪」並晤適用於版權法

我她聯同其他傘後公民團體,曾分別約見商務及經濟發展局局長蘇錦樑、 知識產權署署長梁家麗、及所有政黨嘅立法會議員,遊說同施壓,最後成 功將條例拉倒。目前條例的確落後於國際,所以我哋寄望政府喺新嘅立法 年度,能夠接納我哋建議,先做好向公衆解釋政策嘅工作、了解並紓緩民 間憂慮,再行立法。





- 政府服務電子化,並加入政府機構實時回報服務等候時間系統
- · 改善政府網頁及手機應用程式質素





資源及環保

· 興建海水化淡廠,減少依賴東江水

香港依家只係依賴一個地方去提供水同電,如果中國嘅水電設施發生意外, 七百萬人嘅生活將會直接受影響。要降低風險,保障生活必需品嘅供應穩定, 我哋必須提高香港水、電、農業嘅自給率,長遠向自給自主嘅方向發展。

- · 支持本地農業 / 天台農業 / 水耕,提高香港糧食自給率
- · 訂立樹木法,規管樹木管理
- · 資助發展本地回收業及再造業
- · 保護郊野公園,禁止開發高保育價值的土地



人權

為性傾向歧視及同性婚姻立法

Love is Love. 香港係公平公義嘅社會,只要無妨礙到他人,每個人都有權利選擇自己未來。我哋義無反顧支持同性婚姻及捍衛同志平權。保障同性或跨性別人士喺社會不同範疇都免受歧視或差別對待。

- · 訂立《檔案法》和《資訊自由法》,確保政府資料有制度地公開,禁止任意銷 毀檔案
- · 改革監警會,賦予主動調查警察的權力,阻止警權過大的情況惡化





動物

· 在各區設置寵物公園

香港好多家庭有養寵物,但寵物生活環境同配套設施就晤太友善,例如有晤少公園係晤俾動物進入。我哋倡議喺各區嘅大型公園,都必須設置符合一定面積比例嘅寵物公園,等寵物可以喺裡面自由自在咁奔跑同休息。至於一啲熱門寵物散步路線就要增加基本配套,例如寵物廁所。我哋希望可以建立一個人類同寵物都舒適自在咁生活嘅共融城市。



寵物公園意見收集街站

- · 加重虐待動物刑罰
- · 設立動物警察
- · 鼓勵領養, 寵物零買賣
- · 增加導盲犬訓練及相關支援



IXM & TOWNS TO THE REST OF THE PARTY OF THE

入境

· 非本地人在港留學的時間不計入7年居港時間内

香港嘅大學招收唔少外地學生,嚟自中國更佔大部分。現有條例下,外地學生喺香港讀書時間,會計入申請香港永久居民7年留港要求,即係讀完幾年學士、碩士已經幾乎達到要求。唔少呢類個案,更只將香港當做出國嘅跳板,唔會留低貢獻香港,浪費香港培訓人才嘅資源,外國亦好少會有咁唔合理嘅安排。

· 奪回單程証審批權

香港人應該要奪回自己嘅內地移民審批權,咁樣先可以為香港嘅未來訂立個長遠嘅人口政策。當審批權喺其他人手上時,香港嘅福利、經濟、教育等等各方面上都會處於被動,香港人嘅利益,亦更加難被保障。

- ・申請永久居港人士需通過考試 (基本粵語、繁體字、英文、基本香港文化及歴 史),證明可融入香港環境
- · 申請居港人士需通過資產審查,證明來港後不依賴福利收緊一周一行,杜絶水 - 貨客





【福利】

· 落實由庫房承擔、可實現財富再分配的退休保障制度

退休保障嘅理念,係為咗可以回饋返曾為香港付出嘅市民,令佢哋可以過一個有尊嚴嘅退休生活,所以我哋反對政府以8萬元作為資產上限呢個極高門檻嘅方案。目前70歲以上人士雖然可以領取高齡津貼(生果金),但金額只有1,290蚊,究竟可以幫補到幾多呢?

退休保障本身係一個政府對佢人民嘅責任,理應由庫房負責,為此額外嘅庫房開支,我哋主張:

額外庫房開支來源



增加盈利超過一千萬企業嘅利得稅率



提高薪俸稅標準稅率,對年收入超 過一百七十萬嘅人徵收富人稅,因 為賺得愈多,對社會嘅責任應該愈大



反對轉移打工仔嘅強積金至退保基金,因為強積金每月 供款有上限,變相收入愈高供嘅百份比愈少,係一種不 公義嘅累退稅,等同向基層及中產開刀



- · 提供新婚貸款/補貼(結婚前1年,後2年内)
- · 提供生育津貼(比子女免稅額,可更直接得益)

政綱。

■土地及房屋■

· 徵收房屋空置稅

住屋係生活必需品,唔係商品。咁多年嚟香港住屋問題越趨嚴重,租金樓價節節攀升,但政府只用「土地問題」去呃香港人。其實香港約有6萬個空置住宅單位,所以我哋主張要徵收房屋空置稅,減少投機者只買不住。

· 發展棕地(己開發的閒置土地),訂立土地空置稅

同時,我她亦應該發展棕地同空置地皮,訂立土地空置稅,打擊地產商囤地 自肥。本土研究社調查發現 ,全港共有約有1192公頃嘅棕地,假設二十分一 用於興建公營房屋,已可提供8萬多#個公屋單位。要令租金同樓價下調,必 須雙管齊下,先至可以減輕市民生活負擔。



- · 增建公屋單位,加強關顧長者、青年、單身及受重建影響的申請人,並給予香港居民優先輪侯,同時加強打擊濫用公屋
- · 檢討舊區重建安置及補償安排
- · 有條件回購領展,不再出售房委會新商場,阻止外判街市予不良經營商
- · 支援大廈業主立案法團的成立及運作,加強打擊圍標
- · 嚴格規管施工物料質量,保障市民健康及財產
- ・興建更多安老院舍及長幼共融屋苑



文化

· 檢討保育政策,提升古物古蹟辦事處法定地位

比起世界外地,香港文化保育政策一直遠遠落後。喺經濟發展面前,文化保育都係被犧牲;但呢個唔係零和遊戲,我哋相信兩者之間有可以雙贏嘅平衡點。 舉個例子,可將舊屋改造成民宿;將有歷史意義嘅街道變成老街,或開設社 區市集,推廣歷史文化。咁就可以推行保育嘅同時,同時又帶嚟直接經濟收益 以及其他嘅好處。

近年香港開始多咗新嘗試,如青衣戲棚、美荷樓青年旅舍等,我哋希望政府能 夠提升古物古蹟辦事處嘅法定地位,根據專業判斷去強制保育有文化價值嘅建築,帶頭推廣本土文化產業。

- · 香港熱線:參考瑞典做法,邀請香港市民成為接線生,向外地人提供地道資訊
- · 增加資助本地藝術創作
- · 開放更多免費場地予藝術家表演及展覽之用
- ・ 參考台灣經驗,推廣夜市文化

【體育】

· 增加運動員生活津貼

香港不乏有實力嘅運動員,無奈好多都因收入不足,要放棄成為全職。我哋會要求政府增加運動員嘅經濟及職場支援,亦會推動更多商界贊助(可以退稅),令運動員可以無後顧之憂,專注訓練,全力發揮。

• 引入更多系統化的訓練支援運動員

改善本地運動員的青訓系統,為青少年運動員提供 更多學業及訓練上的支援

- ・ 加強協助退役運動員的就業發展
- ・興建更多開放予公衆使用的體育場地
- ・打撃炒賣公共體育場地
- ・港台電視頻道直播本地體育賽事





經濟

・ 提供全面創業支援

我哋提倡引入外國流行嘅『共用工作空間』概念,提供一個互相攤分租金嘅辦公場地俾有意創業嘅朋友使用,等大家可以互相交流心得同合作。場地仲可以提供營商法規指導,以及幫手牽線天使創投基金,為有潛質嘅創業計劃提供全面嘅支援。



相片來源:The Startup Grand Line 網站

共同工作空間好處

等唔同嘅創業家用平價租用工作空間

交流創業心得同經驗,喺唔同行業知 識中碰撞花火,搵到新嘅商機及創意

提供行政同法律支援,等佢地唔使冒 中中四圍衝

搵埋天使創投基金,定期聽取創業計劃,主動為有潛質嘅計劃提供資金

- · 支持多元產業經濟模式,發展科技、工業、社會企業及創意文化行業
- · 加強對金融、旅遊業及零售業以外行業的支援







教育

・取消小三全港性系統評估(TSA)

教育嘅意義,係去引導每個人獨立思考,活出屬於自己嘅精彩人生!我哋會努力改變只着重分數、忽略全人發展嘅教育制度,而第一步就係爭取廢除小三 TSA考試,避免無調嘅試題操練,還學生一個愉快童年。

- · 加強托兒服務, 支援雙在職家庭
- · 取消小學普教中,讓學生更容易表達及理解課堂内容
- · 限制内地學生與在非本地學生比例
- · 支持大學國際化,立例避免招收過多來自相同地方的境外生
- · 增加政府資助大學學位
- · 加強規管專上教育,確保專上教育質素
- · 保護大學自由自主,反對特首兼任校監
- · 反對洗腦,永久廢除國民教育,維護學生獨立思考空間
- · 取消十億元「一帶一路」獎學金,用於資助藝術教育
- · 初中香港史獨立成科,增強學生對香港的認識和歸屬感



代議士角色

議題公投






現時代議士制度嘅一大弊處就係選舉過後,議員同民衆完全脫節,民衆連自己支 持嘅議員嘅取熊都無辦法影響到。民象覺得無力同事不關己,自然變得更加 政治冷感。

我會製作一個手機應用程式,傳公衆就重要或有爭議性嘅議案投票,然後 我會完全按照公家嘅投票結果喺立法會内投票,而過程中我會盡 力說服公衆認同我嘅立場。

我希望藉着呢個民生議題公投系統,做到幾個效果:

- 俾民衆睇到自己一票嘅影響力,鼓勵大家多留意<u>同參與社會事務</u>
- 凝聚一個清晰嘅民意,俾政府及其他政黨參考,甚至構成壓力
- 從實踐中,培養公衆對自己嘅決定負責任嘅意識,以便喺終極嘅香港前途公投 作出正確抉擇



義工報名聯絡方法:

電話:5935 8482 / facebook message







